



Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt XI. Quis esset in Gallis Hispanisque animus ad indictam Synodus excipiendam. Electio Secretarij, Curatorisque Condilij; eorum & vtriusque Legati accessus. Transitus Tridento Archiducis ...

urn:nbn:de:hbz:466:1-11665

1561.

viri nomen haud præteriero, suis in Operibus commendati, quæ auctori suo magis honestum prosperumque finem meruissent. Erat hic Ludouicus Casteluetrus, qui se ad Protestantium vrbes receperat. De ipso responderi iussit Pontifex Mantuano: Cùm illius causa in Inquisitionis Romanæ tribunal fuisset inducta, Romæ, & non alibi oportere ut reus se sisteret; cum eo tamen quām mitissime actum se polliceri, adeò ut vbi ipsum insontem agnouisset, non absoluisset modò, sed beneficiis affecisset; vbi verò idem deprehenderetur in errorem aliquem delapsus, satis futuram Pontifici priuatam Ludouici retractationem. Id fidentem quidem illum redidit, sed breui tempore, nullo fructu: is enim cùm post paucos dies illud tribunal adiisset, sequē pressum interrogationibus sentiret, multoque acrius testimonio cuiusdam impii libri, à Melanchthonne conscripti, & ab ipso in Italicum sermonem conuenienter characteris formâ, non tam manum quām ingenium arguitus, quæ simulari non potest, timoris æstu agitatus fugam arripuit, & potius quām se committeret arbitriariæ alterius clementiæ, passus est quacumque ignominiosissimam damnationem inuri libi, vita Basiliæ inter haereticos & ductâ & extinctâ: quamquam aduentum, quod ipsius stylus suppeditauit politioribus iucundioribusque disciplinis, observationum raritate, commentationum subtilitate, promerentur, ut grati animi causâ fides benignè habeatur auctori, narranti ipsum postremò resipuisse. Quæ sane fides de le tenuem meri nominis reparationem præstat paucos apud mortales, & eo solūm breui tempore, quo sunt mortales.

CAPUT XI.

Quis esset in Gallia Hispanisque animus ad indiciam Synodus excipiendo. Electio Secretarij, Curatorisque Concilij; eorum & utriusque Legati accessus. Transitus Tridento Archiducis Eleonora, & complurium Episcoporum aduentus. Honores à Pontifice collati Madruccio & Mantuano: data huic amplissima facultas sumptus faciendi, & Legatis, eleemosynas generatim distribuenda. Animaduerstiones de subministrata pecunia multis Episcopis indigentibus.

Sed à priuatis hominibus ad res publicas, à quibus revera penitentia debat negotium, redeamus. In Gallia semper vehementior agitatio, quippe Rex puer erat, Regina extera, Proceres & milites inter se, potentiarum factio contraria, Fide discordes: in dies finitimos

1561.

gulos res nouæ tam multæ oriebantur, vt si eas velleim minutum re-
censere, ipsæ per se non modicam historiam conflarent. Solùm
subinde indicabo quantum opus erit ad propositum argumentum
intelligendum. Itaque stimuli necessitatis in dies gliscentis, magis-
que semper moram recusantis, paulò pòst ibi ea dispulere, quæ, vti
diximus, obiectabantur indicio Concilio^a; ad hanc vnicam ne-
cessariamque conditionem se coarctantibus Gallis, vt nimirum
Cæsar etiam & Rex Catholicus Synodo assentirentur. Et Aiala
Philippi Regis Orator conuenerat cum Pontifice^b, vt res cœpta
procederet, & ne verbum quidem in vulgato diplomate mutaretur.

^a Constat ex
epist. Lega-
torum ad
Borroméum,
16. Junij
1561.

^b Litteræ
Borromæi
ad Legatos,
2. Iulij 1561.

2 Verùm Pontifex, gnarus apparatum ad grauiorā molimina effi-
caciissimum esse, illa quocumque tandem modo incipere, &
complures hominum numquam existimaturos, ipsum ex animo
loqui, nisi agentem reverè cernerent, cœperat ministros ad Con-
cilium mittere antequam etiam diplomati Principes consensissent.
Censuit aptiores esse magis veteres magistratus, quippe ab ex-
periencia edoctos & comprobatos; idcirco voluit ut esset à Se-
cretis Concilio, qui priùs fuerat, Angelus Massarellus^c, iam, sic-
uti narratum est, Episcopus Telesinus. Cumque paulò post absolu-
tionem Moroni absoluisset in Senatu etiam Sanfelicium^d Ca-
uensem iam Antistitem, & Fuscarium Mutinensem, detentos in
custodia à Paulo IV. eiusdem criminacionis nomine; opportu-
num putauit non modò vtrumque ad Synodum mittere, quò per
huiusmodi fiduciæ argumentum suspicionem omnem de ipsorum
Fide deleret, sed præterea Sanfelicium Synodi Curatorem^e consti-
tuere (quod munus àtate Pauli III. exercuerat) ratus diuturnam
priuationem, ærumnasque toleratas satis esse luendo criminis, quod
ex impetu magis quam ex destinata voluntate proruperat; & adeni-
ptam hominibus in perpetuum venia spem, perinde fore ac præsen-
tem vitam in tartari conditionem peruertere. Decimo septimo Mar-
tij Crux, legationis insigne, tradita est Seripando^f, vt ad Concilium
pergeret, & in eodem Senatu Pontifex Episcopos monuit, vt ad sa-
crosanctum illud opus perficiendum se conferrent. Omnium pri-
mus^g qui Synodo affuit, Cremonensis fuit, Nicolaus Sfondratus,
filius Francisci, antea coniugati ac postea Purpurati, de quo fre-
quens in hac Historia habita mentio. Nicolaus verò post annos tri-
ginta, ad paucorum mensium regimen, Vaticanum Solium consen-
dit, Gregorius Decimus quartus nuncupatus.

^c Electus
fuit à Ponti-
fice in cœtu
3. Februarij
& Tridentum
peruenit
26. Martij,
vt in Diario.
^d 29. Maij
1561. vt ex
Diario.
^e Discessit
Ron à 26. Ja-
nuarii, &
Tridentum
peruenit
14. Februa-
rij, vt in
Diario.
^f Acta Con-
fessorialia.

^g Ultimo
Martij, ex
Diario.

3 Animum caloremque addidere Pontifici^h ad rem, prosequen-

^h Caesaris-
pistola fuit
ostenta à
Pontifice A-

O O O O 2 dam
mullo Oratori, 2 Februarij 1561. & postquam ea fuit lecta in quodam cœtu, eius exemplum illi tradidit; vt
ad Senatum mitteret; quod ille fecit 24. vii constat ex eius litteris, per eos dies signatis.

1581. dam nouæ litteræ Ferdinandi, è cuius assensu reliquorum, sicuti diximus, pendebat consensus. Hæ Romam peruenere Ianuario exente, promulgatum diploma plenè comprobantes, Cæsaris opem pollicitæ Synodo per illud indictæ. Quare Pontifex voluit, ne sui Legati procrastinarent: & vt reliquos anteuerterent, 16. Aprilis Tridentum peruenere¹. Eorum ingressus solemnis fuit atque conspicuus, ob pietatem, ob frequentiam finitimorum populorum, & ob magnificientiam Madruccij Cardinalis, vrbis Episcopi ac Principis; tametsi Præfulum occursum infrequens fuit, cùm id tempore non plures quām nouem adfuissent, & sine ullius Regij Oratoris ornamento. Post triduum illac iter habuit ^k Eleonora Austriaca, Cæsaris filia, quæ sponsum adibat Guillelmum Ducem, filium fratris primi Legati. Is quò se cautius gereret, quasi propria in causa voluit Episcopos consulere, quonam ritu Eleonora excienda Communis fuit sententia, vt Legati extra portam Eleonoræ iret obuiām, sed minimè præcedente Cruce; illam verò medium interf̄e deducerent usque ad arcem, vbi eam Madruccius luculento hospitio magnificecepit.

Accedebant subinde¹ complures Episcopi, tum ex ditione Veneta, tum ex aliis Italiax locis. Sed in primis lētitiam attulit aduentus Bartholomæi de Martyribus Dominican, Archiepiscopi Bracrensis, in Lusitania Primatis, viri sanctitate doctrinâque spectabilis, qui narrauit, ^m se antequam discederet significasse Regi profecitionem suam, non tamquam veniam petens, sed meram rei notitiam indicans; idque à Rege magnoperè commendatum: illic breviter alios Præfules aduenturos, studiosè illos sollicitante Henrico Cardinali Regis patruo. Fuit etiam dignitatis ac lētitiae accessio ex aduentu Thomæ Goduelli, ⁿ Episcopi S. Asafi in Anglia, ex Ordine Regularium Clericorum. Verum id contigit cum vehementi indignatione Reginæ, quasi despectæ, neque habitæ tamquam caput Ecclesiæ Anglicanæ ob inferiorem sexus conditionem, quo nullus infensor aculeus virilibus ac superioribus feminis.

Nihil interim omittebat Pontifex vel honorificantæ ad stimulum, vel adiumenti ad commodum eorum, ad quos præcipue in hoc negotio partes attinerent. Quod spectat ad honorificantiam, galerum purpureum ad Madruccium misit ^o, ipsius Romanum accessum haud expectato; destinavitque Mantuanum ad splendidum munus, & quod is solemní ritu illum capiti noui Cardinalis imponebat. Quod verò ad commodum: Pontificiis litteris amplissimam potestatem impertivit eidem Mantuano impendendi quantum pe-

cunie

¹ Ex Diario.
^m 10. Maij,
vt in diabus litteris Legatorum ad Borromæum
ⁿ 15.

^o Litteræ Borromæi ad Mantuanū, 30. Martij, &
14. Maij
1561.
^p 12. Iulij
1561.

cuniae opportunum arbitraretur ad Diuinam gloriam , illudque 1561 .
 pium incœptum promouendum ; adiecitque , vbi id æratio gra-
 uius euasiflet , Pontificem sumptus in aliis omissum , ne tanto ope-
 ri deessent : & Legatis vniuersæ permisum est , vt nullis præscri-
 ptis finibus eleemosynas largirentur . Hæ magna ex parte suppedita-
 bantur Episcopis indigentibus , quorum tenues prouentus impa-
 reserant caritati annonæ , è Tridentini soli sterilitate profectæ , &
 ex frequentia conuenarum auæta . Quocircà necesse fuit , vt com-
 pluribus à Pontifice viaticum subministraretur , & præterea conti-
 num subsidium tribueretur , quo singulis viginti quinque aurei
 menstrui donabantur . Id verò Pontifex optauerat , vt quoad pos-
 set arcanò fieret , ne beneficium rubore accipientium eleuaretur ,
 neque malignorum calumniis pateret , quasi multos stipendiarios
 Episcopos Tridenti Pontifex aleret . Sed id quod necessariò multis
 innotuit , vix fieri potest vt omnibus non innotescat . Quare dispen-
 dium illud , quod Pontifex cum ingenti incommodo tolerauit , ne
 charitati honestatiq; deesset , perpetuis susurrationibus maleuo-
 lentium fomitem præbuit . Ceterùm cordati homines intelligebant
 optimè , huiusmodi suppetias adeò tenues esse , vt longè gratius ac-
 cidiasset Episcopis , habitâ temporarij commodi ratione , si paupertatis
 titulo licuisset ipliis extra domicilij illius incomoda , & illius
 cali asperitatem , frui commidis suarum sedium ; nedum vt ab
 mercedula iidem illicerentur ad faciendam conscientiæ , honoris ,
 ac libertatis iacturam , emolumentis neglectis , quæ sibi conquerere
 potuissent reparatâ sui munera potestate . Quamobrem non deerant
 ex iis , qui quotidie plurimam indigentiam causati veniam abeundi
 depositerent , eâque veniâ ipfis denegatâ , ieuno illo subsidio ne-
 quaquam contenti viuebant , sed semper queruli frequentiorem lar-
 gioremque opem efflagitabant . Quin nisi me alienæ famæ reuerentia
 vetaret , possem equidem palam facere , ab his maximè molestias la-
 boresque perpetuos illatos fuisse Pontifici ac Legatis in disputatio-
 nibus Synodorum . Exemplo mihi sit eorum unus , cuius nomini
 secundùm Historiæ leges alibi parcere nequiuero ; fuit hic Anto-
 nius Ciurelia Episcopus Buduensis . Multo maioris utilitatis nexus
 agglutinabat Episcopos tot Principibus laicis , in quorum ditioni-
 bus siti erant omnes ipsorum redditus tum Ecclesiastici tum heredi-
 tarij , & non minus substantiæ ac vitæ eorum omnium , qui cum illis
 sanguine coniungebantur . Verum si Pontifices occludunt manus ,
 profanæ avaritiæ ; si expandant , sacrilegæ mercatura insimulantur .

^q Litteræ
Borromæi
ad Legatos ,
22. Nouem-
bris 1561.

^r Apparet ex
multis litter-
is Borro-
mæi ad
Mantuanum ,
1561.

^s Epistola
Borromæi
ad Mantua-
num , mense
Nouembri
1561.

^t Subsidium
illi tributum
habetur in
epistola Bor-
romæi ad
Legatos ,
18. Septem-
bris 1561.